

會
蠹
隨
業
之
四
考

漢書門類			
二	一	三	五
八	七	三	三
六	册	架	函


內閣文庫			
三	二	八	七
八	三	九	三
九	册	架	函





雜家十一

內閣文庫	
番號	漢 2873
冊數	6 (1)
函號	308 90

308-90





淺草文庫



檢書隨筆序

善素請問楊用脩先生以
此策第一人讀書中秘一

海內各先生自

墳典丘索下逮咸陽西考

建安開元之際以及釋教百
家無不漁獵其著述之書
遂已別為作者說者謂先
生才固曠世而自非遠竄
夜郎窮棲浚齒無以極其

境而獲所沉深之思百著
書豈能富且工如今日中後
數十年而先生之孫伯起
家司隸為一夫新不
主上爪牙腹心之臣生諸奸有

聲乞弓河漢之書不獲為
而不以蘭絲先保障不苛
不擾民咸安之乃一日函其
所纂檢靈限等而可序
余余豫福再之而朱嘗不

瞿孺心服也伯相得

君撫政所愛也書之於後也其
職又鞅孝不違者也迺查河
近君而卒然一家之或析
玄理或陳時政庶以廣及於

舍新舟木之微先生所以甘
澹泊絕產蓄以窮而後工者
伯相以通顯博之希因是而
善且哉於伯相也夫伯相
身受膏脂而急於求志若

甚感額於柔孔之化而惟恐
或後者其識度已自超然而
孜孜著述有以也至濼其所
錄中論論海中二事凜乎
輔衮之威規乎又所錄宗太

宗時有司請於鳳定二物設
守州長太宗曰地不受寶當
與衆庶共之得此弓於於
時而深味乎吾言之耶未
固知伯也忠士也善死特

以情雅自見者昔襄陽杜
審言與孫甫以文詞名世
而清標諒不以示及吾家祖
孫遠去善用惟先生以家禮
忤貴人遂蒙賜珠玉子謂

用備有聞孫而伯相能繩
祖無則致編也子僅曰提
鈞云之資已乎卷凡三十而
為類二十四至曰檢臺不
以著作名也曰隨筆謙也伯

相之身大以太師文忠公為大
父學憲公俱有碩位能文章
海內固已童而習聞之故不具

論

萬曆乙巳春日 隄津婁黃庭

主人而呈沈子木玉陽父書于
長安署中

檢書隨手序

國朝著述之富咸推崇

太史楊升美由以而師宗之不

佞嘗閱丹詒總錄鈎考摘

隱辯所析於思博洽者以具

以考後每車之為著象
乃久而獲其家孫司隸公檢
靈隨年考受而卒讀為由
類廿四自天文地理人事物品
經史詩傳以及經之字學子據

所見聞上論職非圖弗仿其較
而不加於序彙問以己意解釋
剖質詢是為稽古證今之助
而羽聖矣夫丹鉛總錄也已視容
三德筆不膏過之目錄也

蓋能讀父書而上繩祖考者

太史公其有後乎

聖天子垂權操之令公卿

命而來持之庶幾正多所實恤宛

隸前賴有惟特願不富以此

久稽

竹從之由又不忠誠斯民以為備

中瘠引病求之莫然學成

悟

君心而於其上章十數起而求

命所請杜門多暇乃出其平日
所雜記彙而付刻嗣以自命
其名而為之引不敢顯附于
化者蓋以漢字學淵源所由云
不佞幸叨執事之程重覽約

文之一斑日修焉

朝立幅陞既畫行所與子以潤色
鴻業當更有大著述以垂
垂琬琰

萬曆乙巳秋杪西吳胡心得

屬字子鄭之仕學軒

檢蠹隨筆引

余自展卷以來凡誦讀所睹記事物所考索或朋友所稱說及道路所聽聞悉付毛穎氏紀之不問人之棄取而惟奈意是採今古駁雜積成數絹偶以觀之友人王季高季高曰此足稱楮記室矣當授之梓人余不能謝其請然亦以好翻譯者或有資干一二焉若曰提要鉤玄以附干多聞多識則吾豈敢

萬曆乙巳七夕日成都楊宗吾伯相父識

奈當厄

梓

卷十一
卷十二
卷十三
卷十四
卷十五
卷十六
卷十七
卷十八
卷十九
卷二十
卷二十一
卷二十二
卷二十三
卷二十四
卷二十五
卷二十六
卷二十七
卷二十八
卷二十九
卷三十
卷三十一
卷三十二
卷三十三
卷三十四
卷三十五
卷三十六
卷三十七
卷三十八
卷三十九
卷四十
卷四十一
卷四十二
卷四十三
卷四十四
卷四十五
卷四十六
卷四十七
卷四十八
卷四十九
卷五十
卷五十一
卷五十二
卷五十三
卷五十四
卷五十五
卷五十六
卷五十七
卷五十八
卷五十九
卷六十
卷六十一
卷六十二
卷六十三
卷六十四
卷六十五
卷六十六
卷六十七
卷六十八
卷六十九
卷七十
卷七十一
卷七十二
卷七十三
卷七十四
卷七十五
卷七十六
卷七十七
卷七十八
卷七十九
卷八十
卷八十一
卷八十二
卷八十三
卷八十四
卷八十五
卷八十六
卷八十七
卷八十八
卷八十九
卷九十
卷九十一
卷九十二
卷九十三
卷九十四
卷九十五
卷九十六
卷九十七
卷九十八
卷九十九
卷一百

檢蠹隨筆

類目

卷一

天文類

卷四

帝后類

卷七之九

人物類

卷十一

卷二之三

地理類

卷五之六

身體類

卷十

婦女類

卷十二之十三

冠履類

宮室亭榭類

卷十四

方枝類 附夷狄

卷十六

書史類

卷十八

詩類

卷二十

仙釋類

人事類

卷十五

雜類

卷十七

藝文類

卷十九

詩評類

卷二十一

器用類

卷二十二

飲食類

卷二十五

禽獸類

卷二十七之二十八

麗句類

卷三十

古字類 附俗字

卷二十三之二十四

花木類

卷二十六

魚虫類

卷二十九

瑣語類

檢盡隨筆卷一

成都楊宗吾伯相甫纂著

上海王尚修季高甫校閱

天文類

杵臼說

天文有杵臼星，曰四星而方，杵三星而直，宛然舂形，聖制器，天啓之，天垂象，聖名之一理貫串，何後何先，魏子才

天綱

北斗名天綱為天之綱維

玉衡

古詩玉衡指孟冬衆星何歷歷補注為冬字乃是秋字後觀擣素賦有云測平分以知歲酌王衡之初臨則知玉衡指孟秋為是

十日並出

養生篇云十日並出萬物皆照○十日以喻重明猶易明兩作也後世遂有十日羿彈之語

乘雲氣騎日月

鳥恐鳥字誤

養生篇乘雲氣騎日月○騎日月猶楚詞所謂凌倒景也

織鳥

織鳥日也往來如織也

婺女星

婺女星為嫁女織女星為處女

日食

春秋感精符曰魯哀公時政彌亂當致日食之實而史不書告之不悟譴之何益天人交棄之矣

女潰星

陸終娶于鬼方氏之妹名曰女潰星生彭祖世本

吹雲

陳思王有吹雲贊云吹雲吐潤浮雲共翳鬱○吹雲字甚新文人罕用也

湔雲

呂氏春秋山雲草莽水雲魚鱗旱雲煙火湔雲波水湔雲雨雲也

颶母楓人

唐子西詩雲黃生颶母雨黑長楓人○楓人即楓樹上寄生名楓人以泥泥之則雨降是也颶母如新虹欲大風即見

時雨

時雨降多置器廣庭中所得水甘滑不可名潑茶煮藥皆美又二分二至日取水儲之後七日輒生

雷耕

雷州陰晦之夕謂之雷耕曉眎田中必有開墾之

迹

赤雪

青雪者赤青也。○孫甫論赤雪地。震疏曰赤雪亦異哉。○晉朝雜事云大康七年雨赤雪二頃唐五行志貞元二十一年正月雨赤雪于京師

滕六翼二

滕六雪神名翼二風神名滕六降雪翼二舞風

五行

正月至四月為歲之朝五月至八月為歲之中九月至十一月十二月為歲之夕上旬為月之朝中旬為月之中下旬為月之夕平旦至食時為日之朝禹中至日映為日之中晡時至黃昏為日之夕

旬為月之中下旬為月之夕平旦至食時為日之朝禹中至日映為日之中晡時至黃昏為日之夕

二月為天門

二月為天門

卯二月萬物冒地而出象開門之形故二月為天門說文

行夏之時

孔子曰行夏之時蓋夏以寅為人正得天道之中故以寅為歲首屬春之孟夏秋冬四時之序定矣或謂今夜之子時即為明日之初何不以今年之

子月即為明年之首乎曰冬不可先於春是固然矣予嘗稽之古人參之曆數蓋一主於太陽之度次也太陽每日隨天運轉周於地之十二方而為十二時地道右旋是以太陽次子方為子時次午為午時順行十二方而為十二時此所以今夜之子時即為明日之初宜也太陽每歲立纏尺輪之十二星而為十二月天道左旋是以太陽次子躔虛宿之度而立春為正月逆行次亥為二月次戌為三月次巳為四月此所以今年之子月不可以

為歲之首也正月建寅太陽次虛太陰次危日月皆在天輪之子位此天道一陽更新皆屬於孟春之月其右以哉

徂龍

徂龍指日也沈約詩馳蓋轉徂龍

客星

客星入杓白四方兵起天下聚米星經

天有四時

文子云天有四時五行九辯謂一月有三十日一

時有九十日也。春曰九春，秋曰九秋，夏曰九炎，冬曰九寒。又曰冬至後有九九八十一日，夏至後有九九八十一日。俗云數九是也。

夏至冬至數九

一九至二九，扇子不離手。三九二十七，喫水如蜜汁。四九三十六，爭向露頭宿。五九四十五，樹頭秋葉舞。六九五十四，乘涼不入寺。七九六十三，夜眠尋被單。八九七十二，被單添夾被。九九八十一，家家打炭壑。冬至後一九二九，相喚不出手。三九二

十七，籬頭吹葦葉。四九三十六，夜眠如露宿。五九四十五，太陽開門戶。六九五十四，貧兒爭意氣。七九六十三，布袴兩櫃櫃。八九七十二，貓狗尋陰地。九九八十一，犁爬一齊出。范公吳人，不免用鄉語。今人但知冬至數九，不知夏至數九也。特表出之。

萍翳

萍翳，雨師名。一作屏翳。今作柄音非。

玉女投壺

神異經：東王公與玉女投壺，設有不接，天爲之笑。

開口流光金電是也

太白

太白入畢口馬馳人走

七星

李長吉詩七星貫斷垣城死七星北斗也貫相連屬也垣城指月而言其意謂七星不斷垣城不死猶云太山如礪黃河如帶耳吳西泉以七星為劍名失其旨矣罪雪錄

劉歆鍾律書

春宮秋律百卉必凋秋宮奉律萬物必榮夏宮冬律雨雹必降冬宮夏律雷必發聲

天文要集曰玉井星主粥厨

金星將婺女爭華廣月與嫦娥競爽

五帝座星

文耀鉞曰太微宮有五帝座星蒼帝曰靈威仰赤帝曰赤煙怒黃帝曰含樞紐白帝曰白招拒黑帝

曰汁光紀春秋帝曰念計曰白帝曰白帝星帝
太白行言古正帝星曰靈風

太白病渴入東井華林長生醉不醒誰言天道玄
且幽穹窿塊北如形影投壺生電玉座傍霄奔仍
要玉清梁月宮冷落蹲白兔踈踈挂樹倚吳剛

天文明星曰王托星王游
甘氏星經太白上公妻曰女媧女媧居南斗食厲

天下祭之曰明星夏曆雷心

丙辰十一月端二日
述齋一醉看過

檢盡隨筆卷二

成都揚宗吾伯相甫纂著

上海王尚修季高甫校閱

地理類入關天財之

麗江災異

成化庚子五月內雲南麗江軍民府巨津州白石
雲山約長四百餘丈距金沙江計二里許一日忽
然山裂中分其一半走移于金沙江中興兩岸雲
山相倚山工木石依然不動江水壅塞逆流滄沒

田苗蕩圻民居州府具申上司鎮守太監等官具
聞諸朝時雲南屢有邊報此山之兆也與西嶽雲

水關

貴州普定衛有二水一曰滾塘寨一曰鬧蛙池相
近前後吾吳人從軍至此夜聞水聲搏激既而其
響益大居人闢戶視之噴面波濤竟不可逼坐以
伺且其二水一涸一溢人以為水關吾不知其何
恠也 想野記

粉水

皮日休梅詩合傍蕭家粉水開○雍州記蕭何夫
人漬粉於房山之水鮮潔異常今丹江是也俗呼
粉清江 在浙川縣

茗雪二水

茗雪二水名其滙處茗清雪濁了不相混物理有
不可曉者

五嶽

趙得正云泰山如坐華山如立嵩山如臥衡山如
行恒山如闔此五岳真形也

太湖名

大湖在蘇州其名不一禹貢曰震澤爾雅曰具區國語曰太湖吳越春秋曰笠澤地志曰洞庭王公濟之以震澤爲號修地志曰震澤編先會太師覽之謂李文正公曰震澤者洪水未治時名也書旣云震澤底定矣謂之定澤亦可也文正深然之退謂人曰石齋公相業於定澤二字見之矣

佛菴國水銀

元延祐間佛菴國使來朝備言其城當日沒之處

地有水銀海周圍可四五十里國人取之之法先於近海十里掘坑井數十然後使健夫駿馬皆貼以金箔迺運行近海日照金光晃耀則水銀滾沸如潮而來勢若粘裹其人卽回馬疾馳水銀隨後趕至若行稍緩則人馬俱爲水銀撲沒人馬旣回速於是水銀勢漸遠力漸微却復奔回遇坑井則水銀溜積其中然後旋取之用香草同煎則花銀矣水銀中國亦產固非奇物術士輩往往煉之爲藥銀然畢竟是假若彼國煎而爲花銀是殆其草

藥之靈異也

池水不涸

崇寧年西都脩大內憲苑中池水

池中則水不涸置之果然顧元慶

女媧山

覆碑倉頡冢登賦女媧山太行山即女媧山也

史記扁鵲傳飲以上池之水

地水○本草謂之半天河○史記扁鵲傳飲以上池之水

地水○本草謂之半天河○史記扁鵲傳飲以上池之水

伏甗山

夾江縣之伏甗山有仙掌洞今稱紫府洞是已其

山雲常五色黃色居其中亦佛光之類耶

清冷淵

北人無擇不受舜之天下自投於清冷淵○清冷

之淵在南陽郡西嶠下○南都賦耕父揚光于清

冷亦此地也

紫塞長城

秦築長城土皆紫色故稱紫塞○燕築造陽之郊

秦塹臨洮之險此長城之始也

交河

交河即古鳥孫國車師王南庭之地非今之交河也

姑射山交河之天下自姓公南太陰

道遙篇云藐姑射之山有神人居焉

按藐遠也

姑射山有三一在平陽一在會稽名姑的此在北

嫁衛

國不足將嫁於衛○按旅行曰嫁盖方言耳

函谷關

余往來都下屢過新安縣見城東半里許為函谷

關相傳即老子乘青牛關令尹望紫氣處丁酉歲

余以察閱升務至靈寶會司隸公許鑑湖云地理

古蹟境內有古函谷關其實在靈寶今在新安者

非也靈寶有說經臺即老子著道德經之所合縣

境內無老鴉是其靈異且與陝州接壤州中鴉頗

多不入靈寶疆界此亦異事後閱新安志漢武帝

元鼎三年始置新安縣屬弘農郡雍州又徙函谷
關于新安以故關爲弘農縣夫曰徙于新安則知
古函谷關之在靈寶無疑矣今人但知在新安耳
姑表出之古函谷關其寶山靈寶今亦詳矣
一柱觀
張華博物志江陵有臺甚大而惟一柱衆梁皆拱
此柱故云一柱觀

望鄉臺

望鄉臺在成都北階蜀王秀所築

蒸土開其可齊古或謂其古園田

史稱赫連勃勃蒸土築城蒸非甌蒸也春首聚土

陽氣蒸之築必堅固見貢父詩話

彈箏峽其首

平涼有弦歌山彈箏峽峽口水流風吹滴崖響如
彈箏之韻故名彈箏峽唐詩彈箏峽東有胡塵

長卿山

長卿山在梓潼縣南五里○圖經云唐玄宗幸蜀
遙見山上有窟近臣奏此可爲相如讀書之窟勅

改為長卿山○按玉篇注梓潼山賦則相
如讀書之梓潼山中益可證矣

午道

戰國策韓守成臯魏塞午道○按午道一縱一橫
交午之道今俗云十字路是也近見俗本不知午
字之義妄改作其道

八藪

魯有大野晉有大陸秦有揚汗宋有孟諸楚有雲
夢吳越之間有具區齊有海隅鄭有圃田此八藪也

三會水

中江源從漢州彌牟雒水毗橋合為一江名三會
水今名三渡水

銅盤山

銅盤山在金堂縣西北二十里北接雒縣南連新
都山形如盤洛水彌水毗江三水經此山下合中
流

白狗黃牛

白樂天詩白狗次黃牛灘如竹節流○白狗峽黃

牛峽也

繁陽山

繁陽山在新都杜光亭詩四世三真住繁陽

天洞啼猿

天洞閣啼猿閣在褒斜見顧非熊詩冷失其處

施甸

陸游詩亂山落日葭萌驛古渡悲風枯栢津○葭

萌今之施甸俗舛而為店

江南

唐詩行盡江南數斗程江南指蜀江之南長安志自蜀望長安為北蜀為南也

北海南河北海南河北地有水率名之曰海小而大之也南地有水率名之曰河大而小之也

以唐交州貢荔枝長安只七驛約八百里乃自南平取涪州達州以入子午谷乃知夔峽一路與交趾近馬援平交趾亦自關中入涪入南平黔中一

帶以往 鶴山集 坡亦自嶺 入於八南平 鏢中一
平頭聖止廟 所以人 七十谷 六味 變如一 說與交
唐垂拱四年十一月少華山側飛土掩谷爲山擁
水爲池群峯競起後立聖止廟

名山記云華岳有三峯直上數千仞基廣而高峯
峻壘迄於嶺表有如削成今博山香爐形實有之

三隅山益州記云東隅西隅南隅三隅相對山去

陵井各一里 今在井研

爛柯山

九州要記王質爛柯山在雋州昆明縣本漢定笮
縣地周武帝天和三年定笮鎮唐武德三年於鎮
置昆明縣天寶中置昆明軍

射江

射洪有射江故曰射洪字一作紅上人謂江曰紅
○按嶺南周憬碑曲江作曲紅是其例證也

上卷王之誤

嶺南內江

涪陵一名内江○杜詩百丈内江船指此

○蛾眉磧在萬縣磧曲上其形如眉多細石班璘可以遊戲

○紫陌山在梁泉縣西其山兩頭高如龍形今在鳳

青山石

佳于此可為鐘磬三石此山天下青石無

紫陌山在梁泉縣西其山兩頭高如龍形今在鳳

縣境

縣境

大丙山小丙山在沔南其山峻峭山衣石髮被於

崖際有丙穴嘉魚所出也

修史亭在荆州記云西一峯迥然西映落日

遠而望之全如畫扇

大秦國在西海之西其國以珊瑚為梳琉璃為

牆壁水精為柱礎

蘇秦墓在新安縣西二十里盧院保秦洛人師事
鬼谷子後佩六國相印卒葬于此唐張巡詩沙埋
古墓折碑文六國存亡事係君今日淒涼無處說
亂山秋盡有寒雲○余以壯務曾經其地有詩云
六國連衡事若何歸來兄嫂畏金多只今惟有餘
丘壠覆雨翻雲聽鳥歌

大內坦已墓
坦已墓在乾州西五里莫谷河西半崖坡內隴山

下望秦川如帶極目砥然墟宇桑梓與雲霞一色

山高水低

人言水最低不知雨從天上下何其高也人言山
最高不知海中有山何其低也

浮天載地

黃帝書曰天在地外水在天外水浮天而載地者
也

孤雲雨角

巴州險峻處謂之孤雲雨角諺云孤雲雨角去天

一握

杜宇

杜宇驚靈二墳在郫

滾湯泉

滾湯泉冷泉在嵩縣百里外名大章地方兩泉並
出一山下上有古刹滾泉沸如也冷泉雪如也詢
之僧人云寺內經月不舉火每欲飲食懸釜而炊
少頃即熟余丁酉歲以察閱井務曾目稽焉兩水
交流寒熱既濟灌稻田數百畝亦異產也

寄徑

戰國齊王曰寡人將寄徑於梁○徑步道也猶云
假塗俗云借路是也東周

棧道

史記蔡澤謂范雎曰今君相秦計不下几席謀不
出廟廊坐制諸侯棧道千里通於蜀漢據此則棧
道之始由于范雎也

地乳

河圖云岐山在昆崙東南為地乳

河圖海有五德

海有五德謂澄清不受尸多出奇妙寶受大雨不
溢風日不能竭淵深難可測

五谿者雄谿楠谿辰谿酉谿舞谿也

鴻山關

唐縣有鴻山關昔項羽于此見群鴈曰我當南面
射中其一及射不中時人知其終不能濟

吳城

闔閭築吳城陸門八以象天八風水門八以象地
八卦吳都賦重城結隅通門二八劉禹錫詩二八
城門通道路五千兵馬引旌旗

鼉磯島

蓬萊縣鼉磯島與沙門島相連紫翠巉絕出沒濤
中真神仙所宅上生石芝草木奇絕多不識名又
多美石見東坡北海十二石記產金星雪浪硯

地網

地網在秦州吳璘所開平地縱橫鑿為渠每渠闊

八尺深丈餘連綿不斷如網金兵始不敢犯

三條四列

導岍北條西傾中條嶓冢南條○導岍為陰列西傾為次陰列嶓冢為次陽列岷山為正陽列

嬰浮渡

嬰浮渡在朝邑縣○韓信木罌渡河

草涼

唐明皇幸蜀至棧道中苦熱乃命結草為樓以避暑至今地名草涼驛

光石

光石出蜀之峨眉山大如指長寸許色白如玉觚稜如削每窓櫺孔隙受日光處照之則五色光彩反照一室煥然炫目蓋亦名山精靈之所結也

繒綾

山不平貌○王文考賦繒綾以龍鱗言山文如錦也

八天... 離... 仙... 餘... 順... 海... 事...

檢盡隨筆卷三田

成都楊宗吾伯相甫纂者

地理類... 星橋

李膺益州記云星橋上應七星一曰長星二曰員星三曰機星四曰夷星五曰尾星六曰冲星七曰曲星皆在蜀中... 紫陌橋

紫陌橋在鄴都魏武帝造浮橋跨漳水接紫陌號
紫陌橋橋下有天井堰十二墩魏賦云澄流十二
同流異口唐人鄴都引隱隱都城紫陌開迢迢分
野黃星見方云星餘上意之星一曰身星二曰身

相山碑

相山碑銘云巍巍相山盤紆穹崇上應房心與天
宵冲與雲播雨稼穡以豐在如林高甫外開

上雷田

樂府詩有上留田莫曉其義○中華古今注作雷

田注曰上雷地名蓋如戰國策成阜石雷之地同

義國志同或山東京市古對對下同古方古古古古

英石贊

英石出廣東英德縣峯巒聳秀巖竇分明無斧鑿
痕有金石聲云云

撒寶砦

地志秦始皇慕廣成子遊幸至撒寶砦在崆峒山

乘軒里

乘軒里○洛陽里名蘇秦所居

銀江

杜詩銀海鴈飛沉銀海亦曰銀江秦始皇陵以水銀為江海

龍角

史記武昌記云武昌有龍山欲雨則其上有聲如吹角桓玄製龍角其推本而為之乎

石樓神鉦

郡國志洞庭山東有石樓樓下兩石扣之有聲所謂神鉦也晉孝武帝樂章云神鉦一震九域同來

漫生鹽

夏月鹽南風來池面紫色須臾凝結如雪土人謂之漫生鹽

井火家火

臨邛井火煮鹽水一斛得四五斗鹽家火煮之不過二三斗鹽耳

蜀語

蜀人見物驚異輒曰噫嘻吁李白作蜀道難因用之宋景文筆記

干斧

干斧渡名漁父渡子胥處

孔子問津處

括地志云黃城山俗名萊山在葉縣西南聖賢冢墓記云黃城山卽長沮桀溺所耕處下有東流則子路問津處也

查山

查山在灌縣五里上有古槎○查古槎字同

繩橋

繩橋在灌縣一名珠浦橋造橋之法先立兩木於水中爲橋柱架梁於上以竹爲組乃密布竹絙於梁係於兩岸或以大竹落盛石繫繩於上又以竹緘布於繩夾岸以木爲機繩緩則轉機收之此橋之制也智猛法師所謂冰崖皓然百千餘仞飛絙爲橋乘處而過窺不見底仰不見天寒氣慘酷影戰魂慄是也又有度索尋撞之橋大江水峻亟如箭兩山之脇繫索爲橋中刻木爲撞拴繫行人于上以手自緣索到彼岸則旁有人爲解其系尤爲

危險自灌縣至茂威皆有之陸游詩度索臨千仞

梯山躡半空

相如岬岬音病

相如岬在南充縣相如之別業也○其宅今為縣治○寰宇記

天池

天池在安居縣之崇龕鎮陳希夷所生之地也鐵

山棗崇龕梨天池藕皆希夷所種

石照

石照久名石鏡在合州涪江之岸上有字刻云此

石出時兵甲息黎庶歸六氣調五種熟大唐大曆

未三年三月三日刺史兼侍御史王珽記

鵝溪

鵝溪在鹽亭縣其地產畫絹

高都山

高都山在梁山縣北山中民以種薑為業有古驛

路乃天寶貢荔枝之路也

王全龜山鶴水鐵匱鑑湖

地有龜山鶴水之奇境有鐵匱鑑湖之勝涪州經序圖

大府深渡驛
王全斌以蜀斷笈議取羅川路康延澤謂羅川路
險不如分兵修棧約會大軍於深渡可也全斌許
之不數日閣道成進擊金山寨又破小漫天寨而
大軍由羅川深渡○深渡驛名唐張說有深渡驛
詩一首○深渡今之問津

山石橋楸溪

凌石橋之莓苔越楸溪之紆縈○注石橋楸溪地

出益綠中身家無制六屏陽正對

龜茲國出益綠雌黃○益綠即青益

琉璃城

唐李德俗築琉璃城於漢源在今黎州

新婦峴

新婦峴在新都縣北七里元和郡國志

竹筴橋

竹筴橋筴俗作担非

思明府土產

思明府土產有錦地羅金汗木寒住藥皆不知為

何物也

不灰木生火石

開山圖云徐無山出不灰之木生火之石○徐無山在順天府玉田縣生火石即然石也○今北京布賣火石大者如鷄卵以向太陽照之少頃熱如火以紙近之輒然余所親驗者

山海經翼聖山東南五十里有高前山上有池寒而清乃帝臺之精也飲之愈心疾今在內鄉縣

太平三鴉路蘇州府蘇州府

三鴉路在南陽光武失路得鴉引于馬前故名三

鴉路○可對五鹿沙門之水

金山偏道自武由

唐貞元初刺史李西華自藍田至內鄉開新道七有餘道迴山取塗人不病涉謂之偏道

蘭芎山名葛洪常隱此在上虞

星牖穴在

鄖縣寶蓋山有穴名星牖

蘭山囊海賈

囊山帶江唐史言岳州形勝○山囊可對海賈

古入蜀二路

宋中興四朝志云庸既得和尚原或自梁洋經米

倉山入巴閬或自均房由達州山路入夔峽是入

蜀又有此二路在劍門之外

三、身措橋鈔道六海夫欲蜀路行于海陸路必三

大平廣記措橋鈔道○措建也鈔除也

人謂圃澤東里好相山或野之士言也

圃澤多賢東里多才○圃澤東里皆鄭地可對山

東出相山西出將中古四言前昔亦出大川曰澤里

玉河

玉河在干闥國一曰白玉河二曰綠玉河三曰烏

玉河其源雖一隨地而變色五六月間水暴至則

玉隨流而下水退乃取之謂之撈玉

河橋曰古舟高梁四河之語也古語也

杜預以孟津渡險有覆沒之患請建河橋于富平

津議者以為設周所都歷聖賢而不作者必不可
立故也預曰造舟為梁則河橋之謂也及橋成武
帝與百僚臨會舉觴屬預曰非君此橋不成也○
元和志曰河陽浮橋架黃河為之以舩為脚竹轟
互之○可見黃河嘗有橋矣詩人稱河橋指此

玉膏

龜茲國西北大山中有如膏者流出成川行數里
入地狀如飴餠甚臭服之齒髮已落者皆更生痛
人服之皆愈○疑卽山海經之玉膏也

襄陽形勝

趙鼎言襄陽左視川陝右視湖湘下瞰京洛真帝
王之宅

白虎黃龍

古文苑云白虎之俗難安黃龍之盟不定○皆巴
蜀邊夷事○嚴白虎○黃龍盟見後漢西南夷志
夷與漢人盟曰漢犯夷罰黃龍一雙夷犯漢罰清
酒一鍾

沉釀川

漢鄭弘從宦入京逢故人四顧荒郊村落絕遠沽酒無處情抱不申乃投錢水中共飲盡夕酣暢皆得大醉因名其地爲沉釀川博物志今本無

琅瑯驛

琅瑯驛因明皇聞鈴事命名也

鬼築城

宋泰始中成都市橋忽生小洲始康人邵碩有術數見之曰洲生近市常有貴王臨境○始康今蜀城在十里外名鬼築城

鈎陳壘

河南有鈎陳壘武王伐紂八百諸侯所會處

紫陌浮橋

石勒建武十一年造紫陌浮橋唐詩紫陌字本此

丹花嶺

沽水出禦夷鎮西丹花嶺下○即今黃花鎮在古北口丹花山丹花也

龍上日

龍上日龍中曰畎

松栢塞

松栢塞即函谷關。道形如函。

棧閣

穴山架木而行曰棧閣。棧如馬。棧閣如樓閣。

雷翁海

雷翁海即西海也。在安息之西。犁軒之東。東南連

交州海

打鼻

彭山縣有地名打鼻。周鼎淪於此。見其鼻。

帝帝河

帝帝河即伊利河南。庭北庭分界之處。可對娘

娘嶺

虎丘

褚彥回云。見凡人所稱山川。常過其實。及見虎丘

則過其所聞。

諸葛初踪

唐山在南陽之西。萬曆十八年間。有土人湯姓者。因雨洗開。獲一洞。如室中。可容十餘人。四面皆石。

上鐫諸葛初跡四字有石臺臺上有碟數器兵書
一冊書太守李實軒索去王李高爲余談甚悉李
諱芳山東人王上海人

溫泉

秦始皇初與神女而忤其旨神女唾之遂生瘡始
皇怖謝神女爲出溫泉洗滌後人以爲驗今華清
宮溫泉是也

東曉
交南地名曉與施同

潘吾

潘吾山名韓非子云趙主父使匠人施鉤梯刻巨
人跡於潘吾勒其上曰主父嘗遊于此

南屯

南屯地名孔子宿南屯光明日遂行注

香醉山

香醉山佛經博迦所居之地○山谷詩香醉山中
萬木陰

申庚溝

申庚溝在洧水可對子午谷

梅社

梅社在宋國北以梅樹為社也

五茸

五茸吳中地名○三泖涼波魚鮪動五茸春草維

媒驕

洧盤

洧盤水名宓妃所浴處○楚

武當山

輕霄蓋其上白雲帶其前

空青岡

空青岡在衡山有天津玉池

不勾山名旱魃所居

嶷嶷嶽嶽二山名在交趾海中○古詩嶷嶷嶽嶽

山萬頭是也

雁漢

雁漢

雁漢

鴈汭在池州卽長風沙也。○太白注

山湧地裂

陝西臨洮府秋道縣萬曆己亥年八月十八日城東地名毛家坡官路北高山二百餘丈午時忽崩裂一半長一里其下冲成一溝人往聽之下有簫鼓之聲山南舊有居民耕地忽湧出大小山五座高二十餘丈地方撫按文章奏聞

朱或可談

鷓鴣堰鷓鴣洲此的對也

或當作茂

赤珪碧珪

開山圖曰禹開宛委山得赤珪如日碧珪如月長一尺二寸

勾絲插繭

灰界勾絲地雲乘插繭天○演和尚誄巴州詩勾絲插繭皆巴俗也

虎頭狼尾

虎頭岩山名在漢中馬狼尾灘夷陵灘名

黑虎白豹

白豹城鑑○見通黑虎岩岩在武當

虎牢

虎牢地名在鄭穆王圈虎於此得名今河南成皋

匡

匡在長垣縣子畏於匡即北地也○潁川新汲縣亦名匡非子畏之匡也

南陵北陵

南陵北陵俱在嶠○嶠澠池縣西北道在二谷之間南谷中谷深委曲兩山相嵌故可以避風雨魏

武帝西祀已漢惡其險而更開北山高道○正義曰俗名土穀石穀其後轉為石濠今日乾濠杜子美有石壕吏詩

三燕

折津為北燕遼折津府今北京昨城為南燕昌平為東燕

東昏

開封蘭陽縣始皇東巡至此昏霧不能進故稱東昏王莽改為東明

金沙泉

張君房勝說云湖州長興縣啄木嶺金沙泉每歲
造茶之所也泉處沙中常無水湖常二郡守至干
境會亭具犧牲并教祭泉其夕清溢及造茶畢水
卽微減供堂者畢水已半之太守造畢卽涸守或
還旆稽晚卽有風雷之變云○泉之神如此

三造里

秦宓宅漢之名儒蜀先守夏侯綦三謁不見因名
其里爲三造里

北隰

北隰見三國志注亦可作號

影滿殘杆
仁廟和云二國爭強各用兵擺成隊伍定輸贏馬
行曲路當先道將守深宮戒遠征乘險出車收敗
卒隔河飛砲下重城等閑識得軍情事一著功成
見太平詞意宏偉尤勝前諸君臣之器量見矣

帝御製瀟湘詩

太祖征陳友諒王師至瀟湘賦詩云馬渡沙頭首
宿香片雲片雨渡瀟湘東風吹醒英雄夢不是咸
陽是洛陽天葩睿藻豪宕英邁有如此尊文錄

彭印山神童

彭印山神童寓京歸

上御奉天門觀燈召彭對句云燈明月明大明一
統彭云君樂臣樂永樂萬年

任福

京城正月上元諸人皆登樓買酒挾妓喧譁樓有
內外兩廳
太祖出遊亦買酒在樓外寥寥獨酌任福登樓跪
伏

上稽手令勿言既問爲誰福曰某國子監生四川
重慶府巴縣人
上出聯云千里爲重重水重山重慶府福云一人
是大大邦大國大明君
上悅次日除浙江布政使

太祖幸寺

太祖幸多寶寺見幡幢盡書多寶如來佛號
聖制一聯云寺名多寶有許多多寶如來翰林學
士江懷素對曰國號大明無更大大明皇帝

太祖嘆曰善陞學士吏部尚書以彰其才

豫章

豫章士人兄弟同入太學夜夢人語曰七竅比干
心如是者數次翌日言夢兄弟不殊時五日競渡
諸生皆出觀惟二生讀書不出
太祖微行至號舍見諸舍一空而二生讀書不輟
甚喜指案上藁命之對曰一彎西子臂二生齊應
聲曰七竅比干心
上大喜曰必忠貞士也命銓部並授御史

士大劉三吾

劉三吾侍

太祖微行入市小飲肴核俱無
士出聯云小村店三盃五酌無有東西店主對曰
大明國一統萬方不分南北明日早朝召至欲官
之店主辭不受蓋元末不願仕者自斷其指店主
斷指人也

錢福

弘治三年會元錢福狀元及第

上遂爲句曰春闈得士狀元元元是會元詞臣應制

曰曉殿遷官少保保爲太保十月頒曆

上爲句曰鳳曆初頒春意遠孚於四海調臣應制

曰麟經繼作聖心遠契於百王

衛靈公

仲宜問大弋伯常蹇稀韋曰夫靈公飲酒湛樂不
聽國家之政田獵畢戈不應諸侯之際其所以爲
靈公者何耶大弋曰是因是也伯常蹇曰夫靈公
有妻三人同濫而浴史鱣奉御而進所傳幣而扶

翼其慢若此之甚也見賢若此其肅也是其所以
爲靈公也○余謂此說太謬焉有國君與妻浴而
令臣下見乎雖倡家不至是也○近閱四明沈相
公莊子通云此二事非一時事舊解失之可破千
古之疑矣○則陽篇

漢武帝

漢武帝刻意求仙至以愛女妻方士可謂顛倒之
極末年乃忽悔悟曰世豈有仙者耶節食服藥差
可少病耳

宋太祖太宗

宋太祖詔曰古者不責難得之貨後世賦及山澤
上加侵削下益刑敝未能捐金于山豈忍奪人之
利自今桂陽銀課宜減三分

宋太宗至道二年有司言鳳州山出銅并定州出
銀并請置官掌其事上曰地不愛寶當與衆庶共
之不許并字或書作并蓋篆文字今俗書從石
從廣非也

逆藩

初宸濠之謀爲不軌也嘗作秋懷詩有曰莫向西

風問彭蠡盤渦怒欲起蛟龍又作早行詩有曰欲
買三杯壯行色酒家猶在夢魂中其悖逆之氣已
露萌芽婁妃探知其意嘗泣諫之不聽後宸濠兵
敗成擒群小皆鼠竄獨婁妃投水死之宸濠檻車
北上與監押官言往事輒痛哭且曰昔紂用婦言
而亡天下我不用婦言而亡家國又作詩曰池臺
春色知何在紫燕黃鸝各自飛噫凶德叅會自底
滅亡何悔恨之晚耶

隋文帝魂誅揚素

揚素欲入朝出見文帝執金鉞逐之曰此賊吾欲
立勇汝竟不從吾言今必殺汝素驚呼入室召子
弟二人而語曰吾必死矣出見文帝語不移時素
死

迷搏記

金雞赦

三國典略司馬膺之曰案海中有占天雞星當有
赦故帝王以金雞赦

漢順帝

阮嗣宗樂論曰漢順帝上恭陵過樊衢聞鳴鳥而

悲泣下橫流曰善哉鳥聲命左右吟之曰使絲聲
若此豈不樂哉此以悲爲樂者也○晉書樂志楚
王升輕軒于彭蠡漢順聽鳴鳥于樊衢本此

長夜之飲

紂爲長夜之飲懼以夫日問其左右盡不知也乃
使人問箕子箕子謂其徒曰爲天下主而一國皆
失日天下其危矣一國皆不知而我獨知之吾其
危矣辭以醉而不知韓非子

正寢燕寢

周禮云皇后正寢一燕寢五是爲六宮夫人以下
分居焉光武知此制矣

玉雞銜珠

昭靈后名舍始遊于洛池有玉雞銜赤珠刻曰吞
此有王舍吞之生漢祖劉季出帝王世紀

尺一

尺一天子詔也坡詩尺一東來喚我歸今人以書
爲尺一

宋太祖宋徽宗詩識

宋太祖微時詠月云未離海底千山黑繞到天中
萬國明詩見後山又宋徽宗初有詩云日射晚霞金
世界月臨海宇王乾坤後有金人之變全世界不
其識乎見通鑑

世廟

上一日召大學士嚴嵩吏部尚書熊浹至西苑嵩
浹黎明赴召至未初始得入

上謂嵩浹曰朕偶得一對句曰閣老心高高似閣
可對之嵩浹聞皆惶悚伏地不敢仰視

上曰若不能對朕代爲對曰天官膽大大於天乃
的對也嵩浹惶悚益甚伏不能起

上曰朕偶以此相試何意焉笑而遣之甫二日即
有復

召夏閣老言之

旨

坑儒

衛宏古文奇字序曰秦改古文以篆隸國人多誹
謗秦患天下不從而召諸生至者皆拜爲郎凡七

百人又密令冬月種瓜於驪山研谷之中溫處冬
實乃使人上書曰瓜冬有實有詔天下博士諸生
說之人人各異則皆使往視之而爲伏機諸生方
相論難因發機從上填之以土皆終命也

公主

帝女爲公主帝姊妹爲長公主

漢書

金主垂意文士

金主泰和丙戌春試進士躬出日合天統爲賦題
試間進士楊奐聞殿櫺問異香俄有紫衣人出問

奐題之難易及其姓名年齒既選喧傳適駕至蓋
紫衣者卽金主也奐既及第以詩紀其事曰月澹
長楊曉色清天題飛下寂無聲南山霧豹文章出
北海雲鵬羽翼成玉檻玲瓏紅露重金鑪縹渺翠
煙輕誰言半夜曾前席白日君王問賈生○虜主
亦垂意文事如此

天后任人

唐明皇問天后時任人如何李白曰如小兒市瓜
棟其肥大者

王莽爵人

王莽之爵人其實囚之也囚人者非必著之桎梏而置之囹圄之謂也拘繫之憂愁之之謂也使在朝之人欲進則不得安其身則是綸組為繩索以印佩為鉗鐵也小人雖樂之君子以為辱矣徐幹論

牖里玉門

戰國策文王拘于牖里武王羈于玉門玉門未見所出

嫚秦

古語悠悠嫚秦上天不寧○按嫚秦猶戰國策稱

強秦暴秦漢書稱無道秦也

藏已獨斷

藏已獨斷○謂深居不見群臣也論衡

那庚

中宗獵鳶斃之帝稱那庚從臣皆呼萬歲那庚未詳或是

也梵語

孝和謠

唐咸亨已後人皆謠云莫浪語阿婆嗔三叔聞時笑殺人後果則天即位至孝和嗣之阿婆者則天

也三叔者淳和為第三也出朝野僉載

銀槽

魏高陽王雍富貴冠一國駿馬十餘疋皆以銀為槽函戶之上玉鳳銜鈴金龍吐珮謂人曰不恨我不見石崇恨石崇不見我

三代皇戚

獨狐信長女周明敬后第四女元貞后第七女隋文后至唐亦為外戚三代結姻皇家自古未有也

淇溪洹溪

紂為天子左飲於淇溪右飲於洹溪淇水竭而洹水不流災異○文獻通考失引此一條

吳蜀

先主所恃者惟關張之關將耳自得孔明始於碁枰之一隅旋成活計惜乎得孔明之晚也欲與吳為援者孔明之正也玄德既背借荆之德復懷吞吳之志先主歿而孔明始得行其志抑又晚矣夫孫權以妹妻先主又以荊州借之非惟孔明欲與

吳援吳亦欲與蜀為援也惟周瑜有吞蜀之志君
臣異趣瑜死先主殂吳蜀方合而孔明卒矣天也
○此段見山堂
考索議論極是

鬼兵

姚萇登位八年苻堅領鬼兵白日入宮刺其陰出
血一石

宋高宗

宋高宗字君虎見高宗親筆有此圖記

岩郎

唐德宗小名岩郎

勞心勞力

後魏高祖子名恂愉悅憚崔光名子勵勗勉劭帝
謂光曰朕子名傍皆有心卿兒名傍皆有力光對
曰君子勞心小人勞力上大悅

以鳥名官

元魏以鳥名官郵亭長號曰鷺言延望如鷺也巡
夜連更者曰鵠鵠言鵠鵠夜能撮蚤也其衣亦飾
以鵠鵠之羽○鳧鴨亦魏主置官名

留心經術

孝宗初臨御萬機之餘留心經術無所不涉百官奏對時有顧問多致失措有王過者蜀人甚著雋聲猶在選調宰相薦之上殿孝宗驟問之曰李融字若川謂何過卽對曰天地之氣融而爲川結而爲山李融之字若川如元結之字次山也上大喜遂詔改令入官除密院編修

呼萬歲

呼萬歲始于宋王偃

方中

百姓苦後方中○天子之葬掘地爲方壙漢書謂之方中又曰方上謂覆坑方石上○柳文以方中對斥上

詐言皇子

魏胡太后以女詐言爲皇子其後立爲太子

場帝

隋煬帝每巡幸以陳後主沈后自隨幸之於宮亦已甚矣人行幸隨輦辱之又甚矣其後蕭后爲字

文化及所妻又爲突厥闕氏天之報施如此唐太宗於其壘合葬於煬帝雷塘九原有知何面見煬帝也

雉奴狐媚

高宗小字雉奴可對武后狐媚

武后

史以武后爲哲婦先公謂二字不足以盡之聲如鴟梟心如蛇蝎淫如狗彘暴如狼虎

高洋有人君之度

裴謂之上書極諫高洋洋曰我且不殺尔尔馬得名又笑趙道德曰天下有如此痴人乃知龍逢比干非是俊物遂釋之

晉文公

晉文公反國至河舅犯再并而辭文公止之曰諺曰築社者攜榘而置之端冕而祀之今子與我取之而不與我治之與我置之而不與我祀之焉可解左驂而盟于河韓非子

太公金匱

太公金匱曰黃帝居人上惴惴若臨深淵舜居人上兢兢如履薄冰禹居人上慄慄如不滿日故敬勝怠則吉義勝欲則昌日慎一日壽終無殃

漢武

漢武思李夫人臥延涼殿夢夫人遺帝衡蕪之香覺而衣枕香三月不歇帝因製曲名遺芳夢又賦落葉哀蟬曲

唐太宗朝

唐太宗朝將相固不可及至技藝之士醫有孫思

邈陰陽有李淳風相法有袁天綱後世不及也鳴道集

五始之文

春秋緯曰黃帝坐于扈閣鳳皇銜書致帝前中有五始之文元者氣之始春者四時之始王者受命之始正月政教之始公即位者一國之始

東宮

太子常處東宮者四時春為東萬物生長在東西為秋萬物成就在西以此君在西太子在東也又

西北爲乾乾爲君父東方震震爲長男故太子在
東也春秋



旅

